

*Des Pruneaux au prince d'Orange.*

s. l. n. d. 1)

Arrivée du duc à Mons. Il est nécessaire que le prince lui prête sa coopération, dont des Pruneaux attend un grand succès.

Monseigneur. Je n'ay pas esté moins esbahy que fort aise, ayant veu la prompte arrivée de Son Altesse en ce lieu de Mons, laquelle y arriva hier et fort peu accompagné pour vouloir lever la deffiance à tous et monstrier appertement l'assurance qu'il a de chascun. Ce de quoy, Monseigneur, je vous ay bien voulu advertir et vous supplier de mettre promptement la main à l'oeuvre pour faire une conclusion qui soit salutaire à tous. Son Altesse faict le plus dilligemment qu'il peult ramasser toutes les forces qu'il faict lever en la France, lesquelles seront en fort grand nombre. C'est pour le présent ce qui ne peult perdre une heure de temps sans grand dommaige; je désire infiniment que vous voyés q'icelle (*sic*) Altesse, pour m'asseurer que au partir de là vous auriez tout contantement et croy que tout s'en pourroit bien plustost avancer. Monsieur de la Noue luy a promis d'estre icy en brief, de quoy je suis fort aise, pour m'asseurer que vous aurez en luy grande fiance. Vous suppliant très humblement de mettre ung bon coup la main à l'oeuvre. Je parle tousjours comme vostre très humble et fidelle serviteur que je suis, suppliant Dieu en cest endroit, Monseigneur, vous donner en bonne santé, heureuse et longue vie.

*Min. F. f. Ms. 3284 (Ms. Béth. Reg. 8787) f° 82. n° 1. B. N. P. cop. H.*

1) Le contenu prouve clairement que la date est *Mons*, 13 juillet 1578.